

Xabier Etxebarria preso eriak salaketa jarri du, ez duelako mediku laguntzarik

Basauriko espetxera ekarri bazuten ere, ez diote tratamendu egokia jasotzen uzten

Erredakzioa / Donostia

Xabier Etxebarria Gonzalez preso bilbotarrak ez du jasotzen bere gaixotasun larriarengatik jaso beharreko mediku laguntza. Hala, presoak salaketa bat jarri du, egindako laguntza eskaerei ez dietelako erantzun eta Administrazioaren jarrerarengatik. Senideak taldeak Etxebarriaren kasua salatu du, eta sakabanaketa urruntasuna baino zerbait gehiago dela esan du.

XABIER ETXEBARRIA preso bilbotarrak 1998ko abenduaren erdialdean egin zuen espetxetik kanpoko konfiantzazko mediku baten laguntasuna jasotzeko lehen eskaera, atzo Senideek jakinarazi zuten. Orduetik beste bi eskaera egin ditu, 1999ko urtarrilean bata eta 1999ko otsailean bestea.

Hala ere, Etxebarriak ez du erantzunik jaso, eta, ondorioz, ezta osasun laguntza egokirik ere. Senideek azaldu dutenez, Etxebarriak salaketa bat jarri du, «eskakizunei erantzuten ez dietelako eta Administrazioak ez diolako laguntzarik ematen». Salaketaren berri atzo eman bazuten ere, presoak martxoaren 5ean jarri zuen salaketa.

Etxebarriak tratatu bera jaso zuen Euskal Herriko espetxe batera ekartzeko eskaera egin zuenean. Izan ere, gaixotasuna 1993an atzeman bazioten ere, 1998ko urrian



Estevez Paz kanporatzearen arriskuaren aurka. Donostiako Altza auzotik autobus bat irten zen iragan igandean Neuvic-eko espetxera, auzokide duten Juan Carlos Estevez Paz presolari elkartasuna adierazteko. Hilaren 29an beteko du presoak Frantzia ezarritako zigorra, eta Espainiara kanporatua izateko arriskua dago. Hori dela eta, presoak gose grebari ekin zion eta gaur 25 egun beteko dira protesta hasi zuenetik.

ekarri zuten Euskal Herrira. 1993ko azaroan lunboziatika zuela adierazi zioten medikuek, eta 1996ko ekaina arte ez zioten egin eskatutako erresonantzia magnetikoa. Probetan protusio diskalak aurkitu zizkieten. Hau da, Etxebarriak aterata ditu ornoen arteko diskoak eta koskor horiek nerbioa ziztatzuten diote. Ziztada horien ondorioz, ibiltzeko oinazeak eta zailtasunak ditu.

Senideek jakinarazi dutenez, gainera, «azken hilabeteetan bere osasun egoerak okerrera egin du, espetxeko

hezetasuna eta tratamendu faltagatik, eta, ondorioz, denbora luzean egon behar izaten du ohetik jaiki gabe». «Horrek guztiorrek larriki eragiten du masa muskularraren eta azken hilabeteetan pisua neurri gabe galtzen ari da», azaldu dute Senideek. Bestalde, hartzen dituen lasaigarri eta anti-inflamatorioek ondorioak eragin dizkiote: isurkariaren erretentzioak, edemak...

Senideek gogor kritikatu dituzte espetxe politikak presoengan eragiten dituen ondorioak. «Beste behin ere,

honetako utzikeria eta laguntasun mediko ezak islatzen dute sakabanaketa ez dela urruntasuna soilik, hau da, neurri horiek euskal preso politikoak zapaldu eta aurretik kentzeko direla», esan dute. Senideek gaineratu dute Etxebarria Euskal Herriratzearekin gizartea nahastea baino ez zutela nahi. «Euskal Herrira ekarri bazuten ere, sakabanaketaren ustelkeriak bere lana egingen jarraitzen du, aldatze horren helburua, azken finean, euskal gizartea nahastea zen», salatu dute.

Mayorrek errefuxiatuen gainean iragarri ekimenaren helburua euskal gatazkaren politikotasuna ukatzea dela diote AABek

■ *Erantzun diote Francok ere gauza bera egin nahi izan zuela «erregimenaren aurpegia garbitzeko»*

Erredakzioa / Donostia

JAIME MAYOR OREJAK herenegun iragarri zuen euskal errefuxiatuak itzultzeko neurriak hartuko direla, haien aurka kausa irekirik ez badego. Amnistiaren Aldeko Batzordeek, baina, euskal gatazkaren politikotasuna ezkutatzeke saioa ikusten dute ekimen horretan. Julen Zelarain AABetako koordinatzaileak hitz egin zuen horri buruz.

Zelarainek gogor erantzun zion Barne ministroaren iragarpenari. «Iraingarria da milaka euskal familiarentzat iritziz publikoari sinestaraztea ehunka batzuk baino ez direla bere garaian Euskal Herritik alde egitera behartuta aurkitu zirenak, errefuxiatuen kopurua 2.000tik 2.500 artekoa izanda», adierazi zuen. Ildo horretan, AABetako koordinatzaileak azaldu zuen kopuru hori eman zuela gatazkaren politikotasuna

eta errefuxiatuen arazoaren benetako neurria ezkutatzeagatik: «Mayor Orejak, gatazka politikoa dela ukatu nahian, preso politikoen benetako kopurua ezkutatzen du, eta gauza bera egingen du errefuxiatuekin».

Bestalde, Zelarainek adierazi zuen Francok ere gauza bera gain nahi izan zuela bere garaian: «Franco ere saiatu zen errefuxiatu politikoak itzul zitezen, bere erregimenaren aurpegia garbitze-

ko». Azkenik, Barne ministroari ohartarazi zion errefuxiatuek eurek nahi dutena egingo dutela azkenean: «Badago errefuxiatuen kolektiboa, presoena dagoen bezala, eta ziur egon daitezke nahi dutena egingo dutela euren orainarekin eta etorkizunarekin».

Errefuxiatuek eta presoek Euskal Herriko kaleak «zapalduko» dituzten eguna gero eta gertuago dagoela ziurtatu zuen Zelarainek.

laburrean

■ **Presoei elkartasuna adierazteko geldialdia eta espetxeetarako martxak antolatu ditu IAK biharko**

IKASLE ABERTZALEEK deituta, lau orduko geldialdia eta Hego Euskal Herriko lau espetxeetarako martxak egingo dituzte bihar goi mailako eta maila ertaineko ikasleek. Geldialdia 10:00etatik 14:00etara izango da, eta 10:30etan ekingo diete martxari fakultateetatik. Jakinarazi dutenez, presoei elkartasuna adieraztea da helburua. Presoak Euskal Herriratzeko exijitzen dute, ikasle presoei ikasteko jartzen zaizkien oztopak salatzearekin batera. «Euskal presoetatik 250 inguru ikasleak dira, eta ikasteko baldintzak lotsagarriak eta trabaz beteriakoak dira», adierazi du IAK.

■ **Lau preso aldatu dituzte espetxez 48 ordutan; horietako bat bi aldiz**

AAB-EK atzo jakinarazi zuten, 48 ordutan lau preso aldatu dituzte espetxez, bat Espainian eta hiru Frantzian. Iragan astelehenean Andoni Murga Soto del Realdik Navalcarnerora eraman zuten. Herenegun, berriz, Asier Ormazabal eta Igor Urrestarazu presoak La Santetik Fresnesera aldatu zituzten, eta Fermin Sanchez Aguruza Osnytik Clairvauxera. Bestalde, Urrestarazu Fresnestik Uzercherara eraman zuten hurrengo egunean. Aipatu behar da Fresnesko euskal presoak espetxe horretara preso gehiago ez eramateko eskatzen ari direla.

■ **Amaitu ekimenak Barakaldoko 5 presoren askapena eskatu du**

BARAKALDOKO 73 pertsona ezagun eta 35 elkarrek Amaitu izeneko plataforma sortu dute herriko bost euskal presoren egoeraz ohartarazi eta zigorraren hiru laurdenak beteta izateagatik haien askapena eskatzeko. Fidel Larga-txa, Carlos Recio, Sebastian Pajares eta Jon Aldan nak baldintzapeko askatasunean irteteko epea bete dute. Bestalde, Avelino Gomezek, GRAPOkoa izateaz akusatuta 16 urte kartzelan daraman presoak, maiatzan beteko du ditu hiru laurdenak. Erakundeekin bildu eta mobilizazio bateratuak bideratzeko asmoa azaldu dute Amaitu-koek.